

崑山徐乾學年譜稿本

編

王逸明
編著

新編清人年譜三種重訂稿

王逸明

編

崑

山

徐

乾

學

年

諧

臺

下

編

昆山徐乾学年谱稿下编

康熙十八年 己未 1679 徐乾学四十九岁 徐秉义四十七岁 徐元文四十六岁

年初 徐氏兄弟在昆山。钱澄之来，与唱酬甚勤。萧穆《敬孚类稿·记田间先生年谱》：「已

未以后三年，客吴中昆山、常熟，又时返里。」

春 万斯同复赴昆山，馆乾学家，作《传是楼藏书歌》。据《万斯同年谱》本年。

约此时，乾学三女 本年十八岁。适昆山葛世隆。或为避祖母顾氏（乾学母）之丧期，婚期

稍有延迟。葛世隆为葛鼎孙，葛云汉子。《先府君行述》：「乾学三女『许字葛世隆，庚午（明崇祯三年。

引注。）举人端调公讳鼎孙，文学敬升公讳云汉子，今为外祖戊戌（顺治十五年。引注。）进士莱芜知县

崑初叶公讳方恒抚养。」《昆新合志》卷二十五葛鼎传云，葛鼎字端调，其孙世隆官铜陵教谕。《昆新续

志》卷三十一再收葛鼎传云：「世隆幼为同邑徐乾学器赏，妻以女。以贡官铜陵教谕。罢归，读书养亲以

老。」后葛世隆有一女（乾学外孙女）嫁与元文孙（树本子）徐德符。见本谱康熙二十三年。

二月 召元文为《明史》监修总裁官。未即赴官。因母卒于康熙十五年十一月，至本年三月服

除。韩爌《徐元文行状》：「己未二月，召监修《明史》，时服未禫除。而监修例命勋臣、阁臣，公独

以学士充，识者知将大用矣。」《明史》馆开局在本年五月。杨谦《朱彝尊年谱》本年：「五月开局内东华门外……家起原任翰林院掌院学士徐公元文为监修官。」

三月

按例，乾学补原官翰林院编修、右赞善。韩荃《徐乾学行状》：「服除，补故官。」

秉义服除，补原官。翰林院编修、儒林郎加一级。据《家谱》。

五月

乾学曾到苏州，晤金堡、钱澄之。金堡《徧行堂集·与徐健庵太史》：「先一日，健庵以予旧草索饮光（钱澄之。引注。）题后，即知予已在吴门。三人重见，各自一段波澜，不妨同探同会。」俞陛云《澹归大师年谱稿》本年：「孟夏过金阊。」

八月

乾学、元文自昆山起程北上，邀万斯同、万言叔侄同行。之前万氏叔侄曾返鄞，往余姚蓝溪向黄宗羲辞行。据《万斯同年谱》。本年黄宗羲作《天一阁藏书记》，本谱康熙十二年已引，未言：「余门人自昆山来者，多言健庵所积之富，亦未寓目。」

临行，于苏州遇王士禛来访，托乾学带钱到京师交王士禛。《檐集》二八《进士东亭王君墓志铭》：王士禛「南游，过草堂。余方俶装入京，送余金昌而别……其与余别金昌也，祭酒（王士禛。引注。）方官翰林，旅食甚艰。以所积文贄白金数镒布裹纫，属余寄之，丁宁款密。余入都以授祭酒。祭酒得械，捧手伫立，如侍兄前。」所谓「草堂」，当指乾学苏州邸舍。金昌，指苏州阊门外金昌亭。金堡有《送徐健庵太史赴阙序》。《徧行堂集》卷二。

九月

元文抵京，履任。韩荃《徐元文行状》：「九月赴阙，自陈且辞新命。不允。疏请购遗书，征遗

献。举故明给事中李清、主事黄宗羲及副使曹溶、主事汪懋麟、布衣黄虞稷、诸生姜宸英、万言等，部议不许，上特从公言召之。清、宗羲、溶以老不至，各上所著书。时未有学士阙，特改内阁学士项景襄于兵部而用公。『元文有关修史诸疏俱载《含经堂集》卷十八。其中《特举遗献录用史才疏》举荐李清、黄宗羲及未与博鸿试者曹溶、汪懋麟、黄虞稷、姜宸英及万言参修《明史》。李、黄、曹不就，余皆入馆。李清，字心水，号映碧，兴化人。本年七十八岁。《昆新合志·人物·游寓》有传，云其「明亡，避地居昆山十有馀年……徐元文以修《明史》荐，力辞不赴。』李清子李杲，少赘昆山叶方至，于徐树穀为连襟。叶方至妻李氏（《昆新合志》卷三十三第二页有传）为李杲延名师督课，康熙十二年进士，选庶吉士。后康熙二十二年李清卒，乾学应李杲请为撰墓表，载《檐集》三十二。徐元文《含经堂集》卷二十七有《李映碧先生墓志铭》，汪琬有《前明大理寺左寺丞李公行状》。

十八日，乾学孙徐树敏长子徐咸生。据《家谱》。咸字君发，号云归。

十月 乾学约本月抵京。明年乾学致吴兆騫信云「昨冬与舍弟先后入京」，可知乾学入京时已称冬日，并晚于元文。姑作十月。

本年 乾学自京师城北移寓城南菜市口碧山堂。日后乾学升詹士，又于碧山堂周围扩建邸舍，碧山堂遂成徐氏门客馆邸。碧山堂在北京城南菜市口南绳匠胡同。绳匠胡同后改名丞相胡同。1969年拆毁。乾学本年至康熙三十三年所作诗，日后编为《碧山集》。即《檐集》七至九。

乾学本年诗有《除夕前一日同方虎次耕饮》。《檐集》七。方虎即徐倬，本年五十六岁。

次耕即潘耒，本年三十四岁。文有《与曹彝士编修书》《再与曹彝士书》《愴集》三四，曹彝士即曹鑑伦，本年在京，成进士。与曹鑑伦两书为悼曹尔堪而作。曹尔堪本年以六十三岁卒。《送中书舍人汪君序》。《愴集》二三。汪懋麟本年归养。

本年，江宁巡抚慕天颜等为乾学祖母潘氏请建徐节母祠。明年准建。

本年，孙枝蔚作《扬州送徐原一赞善服满还朝》。《溉堂集》。吴绮作《再过愴园》《送立斋学士还朝监修明史》。《林蕙堂全集》。朱鹤龄作《愴园牡丹文宴记》。《愚庵小集》。记与万斯同、钱饮光等同集愴园事。《万斯同年谱》称此文康熙二十七年作于京师，似误。愴园在昆山，且朱氏逝于康熙二十二年。

康熙十九年 庚申 1680 徐乾学五十岁 徐秉义四十八岁 徐元文四十七岁

年初 乾学在京师。万斯同、阎若璩馆于京师碧山堂。张慧剑《明清江苏文人年表》本年（据《鲋埼亭集》）：「万斯同在北京，馆昆山徐乾学家，以私人资格助纂《明史》。」《万斯同年谱》本年：「徐元文欲按例授季野以七品俸，称翰林院纂修官。季野坚辞，请以布衣参史局，不署衔，不授俸，且不住史局，馆于徐乾学兄弟之碧山堂宾馆。」阎若璩本年四十五岁。张穆《阎潜丘年谱》云本年阎若璩曾与汪琬就「亲在，可否言丧礼」事争论，阎若璩据史言可。继云：「徐尚书乾学因问：「于经亦有征乎？」（阎举曾子母健在时尝与曾申讨论丧礼为例。略引。引注。）……徐大叹服。即邀至邸，延为

上客。每诗文成，必属裁定。」此事又载于阎著《困学纪闻笺》：「徐原一宫赞曰：『于史有征矣，于经亦有征乎？君其思之。』」余退而思得二事，云云。宫赞击节曰：「虽百喙亦不能解矣。」」

三月

彭士望登昆山传是楼，并作记。彭士望《耻躬堂诗文合抄·传是楼藏书记》：「庚申春暮，

予因顾子景范、（顾祖禹。引注。）陆子拒石（陆繁昭。引注。）乃得登昆山徐公健庵先生之传是楼。

楼十楹，跨地亩许，特远人境，无附丽。启后牖，几席与玉峰相接……中置皮阁七十有二，高广径丈

有五尺……首经史，以宋板者正位南面，次有明实录、奏议，多抄本……予、景范、拒石及儿厚本

顾而乐之，留连不能去。公（乾学。引注。）子艺初、（徐树穀。引注。）章仲（徐炯。引注。）二孝

廉以予適返，特遣书以景范绍言，属予记，俾勿辞。」陆繁昭为陆培子，陆圻侄。后徐炯曾为其刻《善

卷堂四六》。

八月

时顾祖禹馆于昆山冠山堂。夏定域《胡拙明年谱》本年：「顾祖禹客昆山徐氏传是楼。」

八日，金堡遗书乾学等，交代后事。金堡《徧行堂集·与徐健庵太史》：余「寄迹半塘，

遂逾五月。（指三月自松江移寓浙江平湖，至此五月。引注。）重荷护持稠叠，感不去心。衰年善病……

知不可久，已决意还庐山，归死于丛林师友之手，葬骨普同，不更占檀那寸土矣。前承高义，为住静劝

导。今既理行策，不敢过费净檀……老僧薄德，未能仰报，但有没齿不忘而已。本图晤，病不得前，

专此奉闻，临笺驰结。」俞陛云《澹归大师年谱稿》本年：「春，自云间（今上海松江一带。引注。）

扶病至平湖。居陆孝山（即陆世楷。引注。）园亭。秋，示寂嘉禾，（即嘉兴。引注。）时八月九日。

前一日，遍发岭南道俗书及诸遗念……」

九日，金堡示寂。陈世英《丹霞山志·澹归禅师传》：「请藏事（在康熙十七年六月。引注。）

毕，昆山徐健庵先生欲为觅一蒲团地，（此当为去年六月在苏州事。引注。）止师以终老，而公不顾，拟归隐匡山，而病遽作。平湖陆世楷……公故友也，养嗣於其别业……公初病时，亦无大恙，与侍者言：「吾三月后当示寂。日为颂《大悲咒》，待时到行耳。」届期遍发岭内外书及诸遗念，嘱侍者「茶毘后亟投骨灰于江流，毋貽累诸方半点土也。」左右求留偈，举笔书曰：「入俗入僧，几番下火。于今两脚捎空，仍旧一场憾。莫把是非来辨我，刀刀只砍无花果。」扔笔而逝，时庚申八月九日也。」

约中旬，彭士望应徐树穀邀，再到昆山徐府。树穀请彭为乾学序五十寿。彭士望《耻躬堂诗文合抄·徐健庵春坊五十序》：「庚申八月，予在吴门。昆山徐子艺初、章仲二孝廉遣书使，因顾子景范迎予居其家。月望日，艺初、昆仲肃衣冠，作《礼言》曰：「是冬家大人得三百甲子矣……今先生与魏叔子先生（魏禧，彭士望挚友，易堂九子之一。本年十一月十七日以五十七岁卒于仪征。引注。）并客吴门，适介家大人寿，亦一时之遭。古人周行好我，不以誉而以规。惟先生能，先生其无让。」……公（乾学。引注。）家居，广求载籍，装潢度阁，精宏备至，藏书为江左之最。公在长安，手不释卷，兄弟自为师友，更尚论古人，奉为模范。两公子秉承意旨，精研史籍。长公（徐树穀。引注。）纂注《通鉴纪事本末》，渐次成书……公（乾学。引注。）既延武林陆子拒石、太仓顾子伊人与共晨夕，欣赏析疑。及四方士过从，礼之无倦。而虞山顾景范不求闻达，落落人外，惟潜心《方輿纪要》一书。公礼而致之，不烦以事，听自纂述。更为具胾饔、笔札、书史，以相协助。」

九月

敕建昆山徐节母祠。徐节母即乾学祖母潘氏。《昆新续志·祠宇》：「徐节母祠在小漠桥西，祀

十月

明副贡生徐永美妻潘氏。康熙十八年十月总督席熙、巡抚慕天颜、藩司丁思孔等题请，十九年九月敕建。」

十七日，乾学致吴兆騫信。全文如下：

「弟辈衔恤南还，邈焉书问，不奉佳讯，遂已四年。昨

冬与舍弟先后入京，具审吾兄动履安稳，慰藉无量。闻兄殉病邸舍，弘兄今年五月亦复下世，人琴之惨，何可胜言。吾兄雍渠情切，不知如何伤痛也。吾兄才华旷世，绝塞羁愁，何日刀环，实刻刻在念。向年黄门之牍，再三留心，终于不果。《长白》献赋，恰有机缘。贱兄弟在垩室之中，又未得一效绵力。日来屡向执政言之，似甚承悯念，若尊驾能亲到都门，事可济矣。城工之费，甚是繁重，若止于一二千，贱兄弟与二三知己尚可措画耳。《秋笈集》刻成送览，弟初付梓，悉照来本，不敢轻改。后令兄弘老极言不可，因删去几首，以未刻者补入，前后略有错简，幸长兄再一订正，仍可补刻更定。小序一篇未刻，容另奉寄。老伯母眠食安善，弟去秋出门时，曾往拜别。宪令今年在舍为小婿塾师，宅报中谅已具悉。所需药物，即容觅寄。此时适在郊外萧寺，不能办也。二舍弟今年八月到京，已补原职编修，其宦情甚淡，来春即欲移疾矣。小春尚暄，未知塞北何如？千万珍重，不尽勤拳。十月十七日，弟乾学顿首顿首，汉槎四兄大人足下。（三舍弟随驾至芦沟桥迎王师凯旋，未得作札，尚容另寄。原附言。）」此信《檐园文集》失收。据李兴盛主编《吴兆騫资料汇编》抄录。信中所谓「城工之费，甚是繁重，若止于一二千，贱兄弟与二三知己尚可措画」云云，可知乾学已着手赎回吴兆騫南归事。时清廷适开新例，许流人认工还乡。

十一月 元文由内阁学士擢左都御使。据韩奕《徐元文行状》。

本年 乾学弟亮采在昆山娶张氏。

本年乾学诗有《正月十七日曹颂嘉招同吴志伊、严荪友、朱锡鬯、汪蛟门、舟次、乔石林、潘次耕、家胜利、电发饮作歌》曹颂嘉即曹禾。吴志伊即吴任臣。严荪友即严绳孙。朱锡鬯即朱彝尊。汪蛟门即汪懋麟。汪舟次即汪楫。本年五十七岁。乔石林即乔莱，本年三十九岁。潘次耕即潘耒。徐胜利即徐嘉炎，本年五十岁。徐电发即徐钊。《五月二十七日官军收复成都保宁午门宣捷恭纪》《瀛台恩宴诗》《乔石林编修邀诸公饮醉后题云湖巷》《万柳堂陪益都公宴饮》益都公即冯溥，本年七十二岁。《奉和大司农棠村先生韵赠歌者邢郎》。棠村即梁清标。以上皆六月前作于京师。又作《辛酉除夕和舍弟立斋》。俱载《懋集》七。文有《新刊经解序》见本谱康熙十二年引。《与总宪魏环溪先生书》讨论台省铨部官员内升外转事。魏环溪即魏象枢。《与舅氏亭林先生论姓氏书》。俱载《懋集》三四。

本年陈维崧作《寿徐健康庵先生序》。《陈维崧选集》。姜宸英作《送徐道积序》。《湛园未定稿》。道积即徐树本。

本年

康熙帝解索额图大学士职。明珠逐渐控制内阁。

乾学曾受明珠指使罗致李光地。未果。李光地《榕村语录》第695页：「庚申，予同先慈入京，陈（陈梦雷。引注。）言必欲随至京……为东海（乾学。引注。）所构，遂与予为仇。言予不肯上章奏，所云面奏皆诈耳。东海又复至予处，为陈言，予曰：「予非憚章奏，恐无济于事耳。」东海云：「君不必求其有济，但上章奏，为朋友之事毕矣。」予曰：「信若此乎？」东海曰：「然。」予云：「予

作疏稿，恐有不尽心，君可为我代作一稿。」徐即成，予一字不移写上。」李出卖陈梦雷事，参见谢国桢《明清之际党社运动考·李光地与陈梦雷互讦事件》。刘建新《徐乾学》：「康熙十九年……明珠对李光地百般笼络，并竭力挑拨李光地与徐乾学的关系。徐乾学则利用李光地贪功卖友之事对他加以挟制，防止他成为明珠的羽翼。康熙十九年李光地到北京，徐乾学……要他上疏为陈梦雷洗清罪名。李光地虽不愿上疏，但更不敢承认为贪功而从蜡丸密书上抹去陈梦雷名字的丑行……徐乾学毫不放松，说：「君不必求其有济，但上章奏，为朋友之事毕矣。」李光地无奈，只得同意由徐乾学代草疏稿，上奏康熙。」此所言明珠离间李、徐及徐恐李成明珠党，似为李光地私付。时明珠已网罗乾学，欲再结光地，指使乾学要挟利诱之。李光地曾受宠于索额图。索额图甫解大学士职，在宫廷中仍有相当势力，直至康熙二十二年才彻底失势。李光地难断后事，故不敢轻易投靠明珠。《语录》所言（似各方都看重他）不可全信。又，徐乾学代李光地上书后，明珠廷对时再为陈梦雷说情，果然免死。推知徐乾学以陈梦雷事要挟李光地系明珠一手操纵。而徐乾学之知李光地出卖陈梦雷事甚详，盖因其事亲历者武进杨文言为乾学好友。此番事后，陈梦雷渐依附乾学，陈梦雷著《松鹤山房文集》中收有《与徐健庵书》。参见谢国桢《陈梦雷李光地事迹辨》（载《新中华》杂志1934年第二卷第十二期）。杨文言为杨瑀次子，见本谱康熙三十二年。

康熙二十年 辛酉 1681 徐乾学五十一岁 徐秉义四十九岁 徐元文四十八岁

二月 五日，钦点乾学等候选日讲起居注官。《康熙起居注》本日：「内阁翰林院学士库勒纳、

叶方蔼题请日讲官事。上曰：「朕所点汤斌、施闰章、朱彝尊、曹禾、秦松龄、严绳孙、徐乾学七人之外，尚有人否？」明珠奏曰：「臣等问翰林院学士，皆言钦点汤斌等果皆学问优长。此外臣等所知才具优长者，拣选七人。」上顾库勒纳问：「七人为谁？」库勒纳奏曰：「臣等举得胡简敬、卢琦、王项龄、彭孙通、邵吴远、徐秉义、潘耒。」上顾大学士等曰：「将朕所点及翰林院举出七人履历着一并列引见，朕亲裁之。」

十日，命乾学充日讲起居注官。《康熙实录》本日：「以翰林院侍读学士孙在丰、侍讲汤斌、

检讨秦松龄、编修曹禾、检讨朱彝尊、严绳孙、左春坊左赞善徐乾学、编修王项龄、检讨潘耒、充日讲起居注官。」韩葵《徐乾学行状》：乾学「服除，补故官……充日讲起居注，复充《明史》总裁官。以赞善充史馆总裁，非常数也。盖自是公益受知于上矣。」乾学服除在康熙十八年，充日讲起居注官在本年，充《明史》总裁官在康熙二十一年。

此时胡渭等馆京师乾学邸。前此胡一直馆于冯溥家。夏定域《德清胡拙明先生年谱》：「自冯溥乞休后，先生尝馆于徐家。」

顾祖禹在昆山冠山堂。《陆清献日记》：辛酉「七月初二，晚至常熟，会黄子鸿，（黄仪。引注。）言无锡顾禹锡（顾祖禹。引注。）字景范，有《方輿录》（即《读史方輿纪要》。引注。）最精详。今馆于徐健康家。」此时陆陇其正在江南一带问学访友，尤好研究当地地理，黄仪向陆陇其推荐顾祖禹及其著作，有邀访意。知本年顾祖禹仍在昆山徐府冠山堂。

三月 吴兆騫致信徐鉉，正式提请乾学、元文救其南还。参见李兴盛主编《吴兆騫资料汇编》。

五月

陈维崧逝，乾学资助其丧，为撰墓志。《慵集》二九《陈检讨墓志铭》：「其年（陈维崧。

引注。）所居在城北市廛，庖陋才容膝，蒲帘土锉，摊书其中而观之……年五十八（即今年。引注。）而病作，疔发于面，已患滞下，积四十馀日。诸同年故旧问饷延医，供药饵不绝。卒而哭之，咸尽哀。余偕旧相益都公（冯溥。引注。）及诸士大夫出资，助含殓治丧，无缺于礼。又议立其仲兄子履端为后，然后得僦舟归柩。」韩荻《徐乾学行状》：「他朝士故友之丧，如检讨陈君维崧……皆公一人为之经纪，不以告人。」陈逝前曾作《喜汉槎入关和徐健庵先生原韵》，见上海古籍出版社《陈维崧选集》第264页。知本年五月京师已得兆骞放还消息。

二十四日，乾学孙 徐炯长子。徐涵生。据《家谱》。涵字季泳，号榕谿。

九月

二日，王士祜卒于王士禛邸。乾学往哭。《慵集》二八《进士东亭王君墓志铭》：王士

祜「来京师，居祭酒（王士禛。引注。）邸中，余亦幸数晨夕，而东亭（王士祜。引注。）遽得疾以卒矣。余与王氏兄弟交且三十年……（士祜）卒之日，小敛，余往哭之，痛不自胜。既大敛，祭酒齐衰麻经。再拜。言曰：「惟吾兄同年于君谊最厚。君他日志其墓。」言已复哭，皆失声。」

十一月

约十六日，吴兆骞至京师。先是，本年七月，还乡诏下。九月二十日，吴起行。首拜乾

学。乾学设宴款待，即席赋《喜吴汉槎南还》，和者甚众。诗云：「惊看生入玉

门关，卅载交情涕泗间。不信遐陬生马角，谁知彩笔动龙颜？君恩已许闲身老，亲梦方思尽室还。五雨风轻南下好，桃花春涨正潺湲。」载《叶学山先生诗稿》卷五。《慵园文集》失收。参见李兴盛《边塞诗人吴兆骞·附吴兆骞年谱》本年。徐钊《孝廉吴君兆骞墓志铭》（据《碑传集》）：「汉槎（吴兆骞。

引注。)为《长白山赋》数千言，词极瑰丽，藉使臣归献天子。天子亦动容咨詢……而纳腊侍卫(纳兰性德。引注。)因与司农、司寇(即元文、乾学。引注。)暨文恪相国(宋德宜。引注。)釀金以输少府佐匠作，遂得循例放归，然在绝域已二十三年矣。「吴兆騫在京师曾馆于明珠家，为明珠子揆叙授读。邓之诚《清诗纪事初编·吴兆騫》：「吴兆騫居塞上二十三年……昔日社盟宋德宜、徐乾学乃釀金纳赎。得放归，为明珠子揆叙授读……乾学有《喜吴汉槎入关》之作，同时和者甚众。」张穆《阎潜丘先生年谱》本年：「汉槎之东还也，由健庵为之纳餒，当与潜丘同客碧山堂。」

本年 元文长孙徐德寅逝。《家谱》：「德寅幼殇，存年八岁。聘丹徒张氏湘晓公孙女，惕存公女。未婚。早卒。合葬大西门外……」湘晓公即张九征。惕存公即张仕可。

约本年，元文娶侧室齐氏。本年十七岁。《家谱》：「侧室齐氏，康熙乙巳(康熙四年。引注。)七月初九日生，卒年无考。」

约本年，乾学长子树穀娶侧室陈氏、媵袁氏。据《家谱》。陈氏本年十六岁。

康熙二十一年 壬戌 1682 徐乾学五十二岁 徐秉义五十岁 徐元文四十九岁

一月 乾学在日讲起居注官任。

九日，顾炎武逝于曲沃。明年归葬昆山。全祖望《鮚埼亭集·亭林先生神道表》：乾学兄弟「至是鼎贵，为东南人士宗，四方从之者如云，累书迎先生南归，愿以别业居之，且为买田以养，皆不至。或

叩之，答曰：「昔岁孤生，飘摇风雨。今兹亲串，崛起云霄。思归尼父之轅，恐近伯鸾之灶。且天仍梦梦，世尚滔滔，犹吾大夫，未见君子，徘徊渭川，以毕余年，足矣。」庚申，（康熙十九年。引注。）其安人（顾炎武元配王氏。引注。）卒于昆山，寄诗挽之而已。次年，（即今年。引注。）卒于华阴。无子，徐尚书（乾学。引注。）为立从孙洪慎以承其祀。」《校补亭林年谱》本年引顾衍生《历代宅京记跋》云，顾炎武逝后，徐元文曾遣人取去顾炎武《历代宅京记》稿本：「至相国（指徐元文。引注。）归田后，始获检还。」

十五日，康熙帝赐宴乾清门，倡议联诗，亲制首联，群臣按官秩依次接咏。都察院左都御史徐元文献句「千官济济盈岩廊」，左赞善徐乾学献句「瑞逾宝鼎兼芝房」。据《康熙实录》本曰。

三月

乾学次子徐炯中会魁。《家谱》：「炯……壬戌中会魁。」旋中二甲第五名进士。

王喆生中二甲第六名进士。陆经远 本年二十八岁。榜名徐经远。中二甲第十二名进士。《昆新合志》卷二十二第二十五页：「陆经远，字舒成，先籍吴县，曾祖某始居昆山。经远年十一

（在康熙四年。引注。）而孤，哀恻几绝。舅氏相国元文抚之曰「此吾家魏舒也。」因以为字。康熙壬戌成进士，知河南息县。」此文后称：经远「己巳（康熙二十八年。引注。）行取入京，授御史，巡视东城，豪猾避迹。坐开列盐差不当镌级，调国子监丞。丁继母艰。服阙，补前职……五迁为奉天府丞。又三迁至通政使。所至称职。雍正元年，婴疾致仕……卒年六十九。」韩荻《徐元文行状》：「妹适于陆，早亡。子其子经远教之，卒成名。」

五月 叶方蔼卒于任。叶于去年十一月改刑部右侍郎。

七月 二十五日，明珠举荐乾学总裁《明史》。《康熙起居注》本日：「内阁、翰林院会题，

为《明史》总裁王国安员缺，将王守才等开列。大学士明珠奏曰：「纂修《明史》，垂示永久，关系大典，甚为紧要，必学问优长之人，方能综理成书。前皇上钦点总裁，极为允当。今王国安员缺应补，臣等公举徐乾学，人品颇优，学识淹贯，似堪补此缺。伏候睿裁。」上曰：「徐乾学人品学问果系优长。」谕毕，翰林院学士等出。」

二十七日，命乾学为《明史》总裁官。《康熙实录》本日：「以左赞善徐乾学充纂修《明

史》总裁官。」后康熙二十七年乾学撰《进呈御选古文渊鉴表》云：「臣以微末，获操铅槧，以从事斯局者六年」，可证其本年任职史局。

本年 乾学诗有《舟次、蛟门、东川移酒杞瞻书斋邀同严存庵、舍弟果亭小饮用亭

字》《檐集》七。舟次即汪楫。蛟门即汪懋麟。东川即汪霏。杞瞻即孙在丰。严存庵即严我斯。文有

《送张敦复学士请假还桐城序》《檐集》二三。张敦复即张英，年初归里。《贺汉阳吴

公入内阁序》。《檐集》二三。吴公即吴正治，本年十月自礼部尚书迁武英殿大学士。《江左

兴革事宜略序》《江左兴革事宜略》系盛符升为歌颂慕天颜巡抚江宁政绩所辑。《序》载《檐集》

十九，略云：「《江左兴革事宜略》者，太子少师、兵部尚书、副都御史静宁慕公（慕天颜。引注。）

所行事实，吾友膳部诚斋盛君（盛符升。引注。）所辑而梓焉者也。公以方伯擢中丞，开府前后在吴凡十馀年……康熙十七年江南旱，十八年又大旱，民流冗道路，屑榆剥树以为食，公会制府合疏请賑……